

STANOVNIŠTVO I NASELJA

Na bjelašničkom području smješteno je petnaestak planinskih sela gdje je prije rata 1992.-95. živjelo oko 2500 stanovnika. Stanovništvo se bavi uglavnom stočarstvom, nešto zemljoradnjom i sječom šume, a u novije vrijeme i turizmom. Do danas ovo područje nije ozbiljnije obrađeno kako arheološki tako ni povijesno, pa je teško preciznije govoriti o vremenu naseljavanja ovog područja, porijeklu i strukturi stanovništva itd. Dodatne poteškoće usložnjavanja i činjenica da je literatura o ovim područjima vrlo oskudna, te i činjenica da se ovo područje uvijek geografski nalazilo na granici između onog što se u prošlosti, a i danas zove Bosna te Hercegovina. To je dovelo i do stanja da je administrativno uvijek pripadalo najmanje dvjema teritorijalno-organizacijskim cjelinama, jedan dio Bosni drugi Hercegovini.

Veća naselja na Bjelašnici su: Čuhovići, Umoljani, Lukavac, Lukomir i dr. dio sela na Bjelašnici proglašen je nacionalnim spomenicima i kulturnim krajolicima.